



<i>Համարը</i> N 1492-Ն <i>Տիպը</i> Որոշում <i>Սկզբնաղբյուրը</i> ՀՀՊՏ 2015.12.23/88(1177) <i>Հոդ.1139</i> <i>Ընդունող մարմինը</i> ՀՀ կառավարություն <i>Ստորագրող մարմինը</i> ՀՀ վարչապետ <i>Վավերացնող մարմինը</i> <i>Ուժի մեջ մտնելու ամսաթիվը</i> 02.01.2016	<i>Տեսակը</i> Հիմնական <i>Կարգավիճակը</i> Գործում է <i>Ընդունման վայրը</i> Երևան <i>Ընդունման ամսաթիվը</i> 17.12.2015 <i>Ստորագրման ամսաթիվը</i> 21.12.2015 <i>Վավերացման ամսաթիվը</i> <i>Ուժը կորցնելու ամսաթիվը</i>
--	---

✚ Կապեր այլ փաստաթղթերի հետ

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ԷՆԵՐԳԱՍՊԱՌՈՂ ՍԱՐՔԵՐԻ ԵՎ ՍԱՐՔՎԱԾՔՆԵՐԻ ՊԻՏԱԿԱՎՈՐՄԱՆ ԿԱՐԳԸ ԵՎ ՊԻՏԱԿԻ ՁԵՎԸ ՍԱՀՄԱՆԵԼՈՒ ՄԱՍԻՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

17 դեկտեմբերի 2015 թվականի N 1492-Ն

ԷՆԵՐԳԱՍՊԱՌՈՂ ՍԱՐՔԵՐԻ ԵՎ ՍԱՐՔՎԱԾՔՆԵՐԻ ՊԻՏԱԿԱՎՈՐՄԱՆ ԿԱՐԳԸ ԵՎ ՊԻՏԱԿԻ ՁԵՎԸ ՍԱՀՄԱՆԵԼՈՒ ՄԱՍԻՆ

«Էներգախնայողության և վերականգնվող էներգետիկայի մասին» Հայաստանի Հանրապետության օրենքի 8-րդ հոդվածի պահանջների կատարումն ապահովելու նպատակով Հայաստանի Հանրապետության կառավարությունը **որոշում է.**

- Սահմանել էներգասպառող սարքերի և սարքվածքների պիտակավորման կարգը և պիտակի ձևը՝ համաձայն հավելվածի:
- Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

Հայաստանի Հանրապետության
վարչապետ

Հ. Աբրահամյան

2015 թ. դեկտեմբերի 21
Երևան

Հավելված
ՀՀ կառավարության 2015 թվականի
դեկտեմբերի 17-ի N 1492-Ն որոշման

1. Սույն կարգը տարածվում է հետևյալ էներգասպառող սարքերի և սարքվածքների՝ կենցաղային գազի ջրատաքացուցիչ կաթսաների, կենցաղային գազի վառարանների (կոնվեկտորներ), կենցաղային էլեկտրական սառնարանների ու սառցարանների, օդորակիչների և լվացքի մեքենաների վրա:
2. Նշված կենցաղային էներգասպառող սարքերի և սարքվածքների էներգետիկ բնութագրերի փորձարկումները կարող են իրականացվել փորձարկման լաբորատորիաների կողմից՝ հայտատուի (ներկրող կամ արտադրող տնտեսավարող սուբյեկտներ) հաշվին՝ Հայաստանի Հանրապետությունում գործող միջազգային և տարածաշրջանային ստանդարտներին ներդաշնակեցված ազգային ստանդարտների համաձայն՝
- 1) կենցաղային գազի սարքավորումներ՝
- ա. գազային վառելիքով կենտրոնական ջեռուցման կաթսաներ. C տիպի, 70 կՎտ-ից ոչ ավելի ջերմային անվանական բեռնվածքով ջեռուցիչ կաթսաներ,
- բ. գազի վառարանների էներգասպառման չափման միջոցներ.
- 2) կենցաղային էլեկտրական սարքավորումներ և սարքվածքներ՝
- ա. էլեկտրական կենցաղային լվացքի մեքենաներ: Աշխատանքային բնութագրերի չափման միջոցներ,
- բ. էլեկտրասնուցման ցանցից աշխատող կենցաղային սառնարաններ, սառցարաններ, ցածր ջերմաստիճանային պահարաններ և դրանց զուգակցումներ. էլեկտրական էներգիայի սպառման և համապատասխան բնութագրերի չափման միջոցներ,
- գ. էլեկտրաշարժաբեբով ճնշակներով օդորակիչներ, հեղուկի ագրեգատացված պաղեցումով սարքեր, ջերմապոմպեր կենցաղային ջեռուցման և պաղեցման համար սերիայի ստանդարտներ:
3. Հայաստանի Հանրապետության համար սահմանվում են էներգասպառող սարքերի էներգաարդյունավետության պիտակների նշված ձևերը, դրանց վրա ներկայացվող համապատասխան տեղեկատվությամբ՝
- 1) կենցաղային էլեկտրական լվացքի մեքենաներ: Էներգաարդյունավետության պիտակի չափերը՝ ուղղանկյուն, 116x259 մմ: Պիտակի վրա ներկայացվում են՝
- ա. արտադրող ընկերության անվանումը, ապրանքանշանը և սարքավորման մոդելը,
- բ. սարքավորման էներգաարդյունավետության դասը A-G սանդղակին համապատասխան (A՝ առավել արդյունավետ, G՝ առավել ոչ արդյունավետ): Լվացքի մեքենաների էներգաարդյունավետության դասը սահմանվում է ըստ բամբակյա իրերի լվացքի մեկ ցիկլի (60⁰C) ընթացքում առավելագույն բեռնվածքի պարագայում (սովորաբար 6 կգ) ծախսված էլեկտրական էներգիայի քանակի (կՎտժ): Էներգաարդյունավետությունն արտահայտվում է կՎտժ/կգ լվացք ցուցանիշով՝
- | | | | | | |
|-------|-------|-------|-------|-------|-------|
| A | B | C | E | F | G |
| <0.19 | <0.23 | <0.27 | <0.31 | <0.35 | <0.39 |
- գ. լվացքի մեկ ցիկլի էլեկտրական էներգիայի ծախսը (բամբակյա իրեր 60⁰C)՝ համաձայն համապատասխան ստանդարտում ներկայացված փորձարկումների ընթացակարգի,
- դ. լվացքի արդյունավետությունը A-G սանդղակին համապատասխան (A՝ բարձր, G՝ ցածր),
- ե. չորացման արդյունավետության դասը A-G սանդղակին համապատասխան (A՝ բարձր, G՝ ցածր),
- զ. պտտման առավելագույն արագությունը բամբակյա իրերի լվացքի (60⁰C ցիկլի դեպքում՝ համաձայն համապատասխան ստանդարտում ներկայացված փորձարկումների ընթացակարգի,
- է. սարքավորման տարողությունը բամբակյա իրերի լվացքի (60⁰C) ցիկլի դեպքում արտահայտված կգ-ով,
- ը. լվացքի մեկ ցիկլի (բամբակյա իրեր 60⁰C ջրի ծախսն արտահայտված լ-ով,
- թ. լվացքի և չորացման գործողությունների ժամանակ աղմուկի մակարդակն արտահայտված դԲԱ 1 պՎտ-ի հաշվով: Կենցաղային էլեկտրական լվացքի մեքենաների համար սահմանված էներգաարդյունավետության պիտակի ձևը նշված է սույն կարգի N 1 ձևում.
- 2) կենցաղային էլեկտրական օդորակիչներ. էներգաարդյունավետության պիտակի չափերը՝ ուղղանկյուն՝ 116x269 մմ: Պիտակի վրա ներկայացվում են՝
- ա. արտադրող ընկերության անվանումը, ապրանքանշանը և սարքավորման մոդելը: «Մալիտ» և «Մուլտի սալիտ» տիպի սարքերի համար նշվում են ներսի և դրսի բլոկների մոդելները,
- բ. սարքավորման էներգաարդյունավետության դասը A-G սանդղակին համապատասխան, A՝ առավել արդյունավետ, G՝ առավել ոչ արդյունավետ): Օդորակիչների էներգաարդյունավետության դասը սահմանվում է ըստ էներգաարդյունավետության գործակիցների հաշվարկային տիրույթների: Էներգաարդյունավետության գործակիցները հաշվարկվում են որպես սարքավորման սառեցնող ունակության և էլեկտրական հզորության հարաբերություն: Ընդ որում, էներգաարդյունավետության գործակիցների հաշվարկային տիրույթները տարբեր տիպի (առանձնացված բլոկներով սարքեր, համակցված սարքեր և այլն) օդորակիչների համար տարբեր են,
- գ. էլեկտրական էներգիայի տարեկան հաշվարկային ծախսը, որը հաշվարկվում է որպես սարքավորման դրվածքային հզորության և տարվա ընթացքում սարքավորման շահագործման ժամաքանակի (500 ժամ) արտադրյալ՝ կՎտժ:

Պաղեցնող ռեժիմում սարքավորման դրվածքային հզորությունը՝ կՎտ: Պաղեցնող ռեժիմում և դրվածքային հզորությամբ աշխատելու դեպքում սարքավորման էներգաարդյունավետության գործակիցը (որքան բարձր է ցուցանիշը, այդքան արդյունավետ են սարքավորման էներգետիկ բնութագրերը պաղեցնող ռեժիմում),

- դ. սարքավորման տիպը՝ պաղեցնող կամ պաղեցնող/ջեռուցող,
- ե. ջեռուցման դրվածքային հզորությունը (ջեռուցման հնարավորությամբ սարքերի համար),
- զ. ջեռուցման էներգաարդյունավետությունը (ջեռուցման հնարավորությամբ սարքերի համար, A-G սանդղակին համապատասխան, A՝ առավել արդյունավետ, G՝ առավել ոչ արդյունավետ),
- է. սարքավորման աղմուկի մակարդակն արտահայտված դԲԱ 1 պՎտ-ի հաշվով: Օդորակիչի համար սահմանված էներգաարդյունավետության պիտակի ձևը նշված է սույն կարգի N 2 ձևում.

3) կենցաղային էլեկտրական սառնարաններ, սառցարաններ և դրանց համակցումը հանդիսացող սարքեր: Էներգաարդյունավետության պիտակի չափերը՝ ուղղանկյուն՝ 116 x 220 մմ: Պիտակի վրա ներկայացվում են՝

- ա. արտադրող ընկերության անվանումը, ապրանքանշանը և սարքավորման մոդելը,
- բ. սարքավորման էներգաարդյունավետության դասը A-G սանդղակին համապատասխան (A՝ առավել արդյունավետ, G՝ առավել ոչ արդյունավետ): Սառնարանների էներգաարդյունավետության դասը որոշվում է ըստ էներգաարդյունավետության ինդեքսի արժեքի: Էներգաարդյունավետության ինդեքսն իր հերթին հաշվարկվում է որպես սարքավորման տարեկան էներգասպառման և տվյալ տիպի սարքավորման տարեկան ստանդարտ էներգասպառման հարաբերություն: Էլեկտրական էներգիայի տարեկան ծախսը՝ կՎտժ, թարմ սննդամթերքի պահպանման համար նախատեսված սառցախցերի ընդհանուր ծավալը, և (որտեղ ջերմաստիճանը բարձր է -6⁰C),
- գ. սառցարանային խցերի ընդհանուր ծավալը, և (որտեղ ջերմաստիճանը ցածր է -6⁰C),
- դ. սառցարանային խցերի աստղային ռեյթինգը ըստ համապատասխան ստանդարտի պահանջների,
- ե. սարքավորման աղմուկի մակարդակն արտահայտված դԲԱ 1 պՎտ-ի հաշվով:

Կենցաղային էլեկտրական սառնարանների, սառցարանների և դրանց համակցումը հանդիսացող սարքերի համար սահմանված էներգաարդյունավետության պիտակի ձևը նշված է սույն կարգի N 3 ձևում.

4) կենցաղային գազի ջրատաքացուցիչ կաթսաներ՝

Կենցաղային գազի կաթսաների էներգաարդյունավետության պիտակի չափերը՝ շրջան, 50 մմ շառավղով: Պիտակի վրա ներկայացվում են՝

- ա. արտադրող ընկերության անվանումը, ապրանքանշանը և սարքավորման մոդելը,
- բ. սարքավորման էներգաարդյունավետության դասը, որը բնութագրվում է «աստղային» ռեյթինգով (4 աստղ՝ առավել արդյունավետ, 1 աստղ՝ առավել ոչ արդյունավետ):

Կենցաղային գազի ջրատաքացուցիչ կաթսաների էներգաարդյունավետության դասը սահմանվում է ըստ սարքավորումների անվանական ջերմարտադրողականության դեպքում սարքավորման ՕԳԳ-ի արժեքների որոշակի տիրույթների: Սահմանված են հետևյալ տիրույթները՝

Էներգաարդյունավետության դասը	Անվանական հզորության դեպքում՝ ՕԳԳ, %
*	81-86
**	87-90
***	91-94
****	95-ից բարձր

Կենցաղային գազի ջրատաքացուցիչ կաթսայի էներգաարդյունավետության պիտակի ձևը նշված է սույն կարգի N 4 ձևում.

5) կենցաղային գազի վառարաններ (կոնվեկտորներ): Կենցաղային գազի վառարանների էներգաարդյունավետության պիտակի չափերը՝ շրջան, 50 մմ շառավղով: Պիտակի վրա ներկայացվում են՝

- ա. արտադրող ընկերության անվանումը, ապրանքանշանը և սարքավորման մոդելը,
- բ. սարքավորման էներգաարդյունավետության դասը, որը բնութագրվում է «աստղային» ռեյթինգով (4 աստղ՝ առավել արդյունավետ, 1 աստղ՝ առավել ոչ արդյունավետ):

Կենցաղային գազի վառարանների էներգաարդյունավետության դասը սահմանվում է ըստ սարքավորումների անվանական ջերմարտադրողականության դեպքում սարքավորման ՕԳԳ-ի արժեքների որոշակի տիրույթների: Սահմանված են հետևյալ տիրույթները՝

Էներգաարդյունավետության դասը	Անվանական հզորության դեպքում՝ ՕԳԳ, %
*	80-84
**	85-88
***	89-91
****	91-ից բարձր

Կենցաղային գազի վառարանի էներգաարդյունավետության պիտակի ձևը նշված է սույն կարգի N 5 ձևում.
6) պիտակները փակցվում են սույն կարգի 3-րդ կետով նախատեսված յուրաքանչյուր ապրանքատեսակի արտաքին մակերեսին՝ սպառողի համար տեսանելի տեղում:

Հայաստանի Հանրապետության
կառավարության աշխատակազմի
ղեկավար-նախարար

Դ. Հարությունյան

26 N 1

Էներգիա		Լվացքի մեքենա
Արտադրող Մոդել		ապրանքանշան ABC 123
Ավելի արդյունավետ		
		
		
		
		
		
		
		
Պակաս արդյունավետ		X.YZ
Էներգիայի ծախսը, կՎտ/ցիկլ (ըստ բանաձևի ինքնի 60°C-ում լվացքի ցիկլի ստանդարտ փորձարկման արդյունքների) Էլեկտրական էներգիայի ֆաստացի ծախսը կախված էլինի սարքի աշխատանքային ռեժիմից		
Լվացքի արդյունավետությունը A: բարձր G: ցածր		A B C D E F G
Զորացման արդյունավետությունը A: բարձր G: ցածր		A B C D E F G
Պտտման արագությունը (պտ/րոպե)		1100
Տարողությունը (ըստ բանաձևի) կգ Ջրի ծախսը լ		Y.Z YX
Աղմուկը (դԲԱ 1 պՎտ-ի հաշվով)		XY xyz
Լվացում Զորացում		
Մանրամասն տեղեկությունները բերված են սարքի տեղեկատվական գրքույկում		
Ըստ ԳՍԵ են 60456 ստանդարտի պահանջների ՀՀ կառավարության որոշում թիվ _____		

Էներգիա	
Արտադրող Արտաքին սարք Ներքին սարք	Օդորակիչ
	ապրանքանշան
	ABC 123
	ABC 123
Ավելի արդյունավետ	
	
	
	
	
	
	
	
Պակաս արդյունավետ	
Էներգիայի տարեկան ծախսը սառեցման ռեժիմում, կՎտժ (Փաստացի ծախսը կախված է կլիմայի սառչի աշխատանքային ռեժիմից և կլիմայից)	X.Y
Սառեցման ռեժիմում դրվածքային հզորությունը, կՎտ	X.Y
Էներգաարդյունավետության գործակիցը դրվածքային հզորությանը աշխատելու դեպքում (ընդհանրաժամար, այնքան չափ)	X.Y
Տիպը	
միայն սառեցնող	—
սառեցնող + ջեռուցող	— ←
օդի սառեցմամբ	— ←
ջրի սառեցմամբ	—
Ջեռուցման ռեժիմում դրվածքային հզորությունը, կՎտ	XY
Ջեռուցման արդյունավետությունը A: բարձր G: ցածր	A B C D E F G
Աղմուկը (դԲԱ 1 մ-ի հաշվով)	
Մանրամասն տեղեկությունները քերված են սարքի տեղեկատվական գրքուկում	
Ըստ ՊՍՏ ե.Ն. 14511:2007 տրանսպորտի պահանջների ՊՍՏ կատարվածության որոշում թիվ _____	

Օդորակիչի պիտակ

Մառնարան/սառցարան	
Էներգիա Արտադրող Մոդել	ապրանքանշան ABC 123
Ավելի արդյունավետ A B C D E F G	B
Պակաս արդյունավետ Էներգիայի ծախսը, կՎտժ/տարի (ըստ ստանդարտ փորձարկման արդյունքների, կատարված 24 ժ. համար)	X.YZ
Էլեկտրական էներգիայի փաստացի ծախսը կախված է լինի սարքի աշխատանքային եռմիսից եւ տեղադրման վայրից	
Թարմ սննդամթերքի տարողությունը, և Սառեցված սննդամթերքի տարողությունը, և	xyz xyz * ❸❸❸
Աղմուկը (դԲԱ 1 պՎտ-ի հաշվով)	XZ
Մանրամասն տեղեկությունները թերված են սառքի տեղեկատվական գրքուկում	
Ըստ 3US ԵՆ 153 ստանդարտի պահանջների ՅՔ կառավարության որոշում թիվ _____	

Մառնարանի/սառցարանի պիտակ



Կենցաղային գազի ջրատաքացուցիչ կաթսայի պիտակ

Ձև N 5



Կենցաղային գազի վառարանի պիտակ